



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 38. Concilium Budense.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

pars ad os Danubii septem triones ver-  
sus habitans, erant etiamnum bruti ni-  
mis, quam ut Christianam religionem  
fufciperent. Et vero ad nihilum reci-  
dit hæc tentatio: illorumque ad Chri-  
stum adjunctio non nisi post centum an-  
nos facta est sub Ludovico I Hungaro-  
rum Rege ex profapia Andegavenfi.

Sæcul. XIII.  
A. C. 1279.

Thurocz.  
p. 107. c. 45.

§. XXXVIII.

*Concilium Budense.*

Conventus generalis post tertiam a fe-  
sto S. Joannis hebdomadem peractus  
numeratur inter concilia: habemusque  
sanctiones ejus per Legatum Philippum  
promulgatas e sententia & consensu  
Præfulum Abbatumque cum universo  
Hungariæ Clero seculari regularique  
Budæ Diocefeos Vesprinensis urbe præ-  
sentium. Hæ constitutiones dabantur  
die finiti concilii, nempe 14 Septemb.  
an. 1279. Continent easdem præscri-  
ptiones, quas cæteræ ejusdem temporis,  
indicantque in Ecclesiis Hungariæ ac  
Poloniæ effrænatam fuisse vivendi li-  
centiam.

to. II. conc.  
p. 1071.

Primi canones præfinitum vestitum  
Præfulum, ac prohibetur, ne in publi-  
co compareant sine supparo. Nullus  
Clericus incolat domum, ubi vinum mi-  
nutatim

c. 1. 2. 6.  
c. 5.

- Sæcul. XIII.  
A. C. 1279.
- c. 7. nutatim venditur; vel ubi personæ viles aut suspectæ habitant. Præsules atque Clerici abstinebunt ab actibus bellicis, & cunctis violentiæ generibus, seditionibus, pugnis, expilationibus, incendiis. Licet tamen illis Ecclesias suas & patriam defendere, arma inferentibus resistendo tantum, nec per se ipsos dimicando.
- c. 17. Concilium vetat conjurationes ac foedera inter Ecclesiasticos, infirmans facta hanc ob causam promissa & juramenta omnia; vetat autem sub poena anathematis & ademptionis beneficiorum.
- c. 26. Sacerdotes non teneant in domibus suis liberos, quos consecrati genuerunt: & hi liberi famulentur Ecclesiæ cathedrali.
- c. 33. Christiani divino officio, speciatim sacro dominicis ac festis diebus aderunt in parœciis suis: neque his præferent templa Religiosorum, cujuscunque sint Ordinis. Sacramenta non nisi a Parochis suis accipient sub poena suspensionis executionis Ordinum irrogata illis, qui ea administraverint.
- c. 38. Cum Archidiaconi habeant jurisdictionem, Juri canonico minimum tres annos studuerint, oportet.
- c. 40. Si Præsules aliive Antistites sæculares, aut Religiosi subditis interdican, ne statum suarum Ecclesiarum vel cœnobi-  
orum detegant, quin etiam jurejurando ad silentium adstringant, has inhibitiones ac hæc juramenta declaramus nulla.
- Con-

Consuetudo, qua Hungariæ Archidiaconi selibram argenti accipiunt, ut armis aut veneno necatos sepeliri patiantur, non extendetur ad illos, qui fulminis ictu, vel in aquis, aut simili casu perierint. Indigna res pridem in Hungaria usu recepta est, ut homines profani per speciem juris patronatus (ut vocant) vel alio nomine templa & monasteria, eorumque prædia occupent, atque cum equis ac reliquis animalibus suis ibi habitent, destructis aris, cæterisque divini servitii argumentis. Muniunt illa, & in arces convertunt, quo direptionum suarum prædas deportant; & ubi humanum spargunt sanguinem. Quapropter eos admonemus, ut illa templa, cœnobia, prædiaque una cum fructibus inde perceptis intra sex menses Episcopis cæterisque, ad quod res pertinent, restituant: alioquin eos execratione devinctos solenniter declarabunt Hungariæ ac Poloniæ Præsules, & ad Magistratus civilis præsidium, si opus erit, confugient.

Judicibus Ecclesiasticis Judices profani auxiliariam præbebunt manum, ac rebelles per occupationem bonorum aliosque modos idoneos adigent, ut illorum sententias exequantur, se ab anathemate absolvi curent, & satisfaciant in causis, ob quas in illud incurrerunt: quam

Sæcul. XIII.  
A.C. 1279.

c. 46.

c. 52. 53.

c. 57.

Sæcul. XIII. quam ad rem Judices profani per cen-  
 A. C. 1279. furas ecclesiasticas compellentur. Vi-

cissim Judices ecclesiastici, si rogati fue-  
 rint, Judices profanos spiritualibus ju-  
 vabunt armis, & illos, qui eorum sen-  
 tentiis non paruerint, censuris ferient.

c. 58. Cursum appellationum ad apostolicam  
 Sedem cæterave tribunalia ecclesiastica  
 nemo, ac ne Rex quidem impediatur: alio-  
 loqui Rex interdictus sit ingressu templi,  
 donec sustulerit impedimentum: reliqui  
 vero, nisi tres intra dies destiterint, in  
 anathema ipso facto incurrant. Decla-

c. 59. ramus Ecclesias ac personas ecclesia-  
 sticas per pietatem veterum Regum, cæ-  
 terorumque Dominorum, ac per privile-  
 gia sibi concessa operis vectigalibus,  
 collectis, aliisque laicorum oneribus, tri-

c. 60. butis ac portoriis exemptas esse. Itaque  
 prohibemus, ne in Hungaria & reliquis  
 legationis nostræ regionibus tales fiant  
 exactiones: & qui sic extorta intra tri-  
 duum non restituerint, ingressu templi se  
 interdictos sciant!

c. 61. 62. &c. Post aliquas pro Regularibus san-  
 ctiones Legatus addit: Comperimus, &

c. 67. ipsi vidimus in Hungaria cæterisque  
 legationis nostræ regionibus Ecclesiasti-  
 cos tam sæculares quam Religiosos, ac  
 sæpe, quod pejus est, Præsules ipsos non  
 observare, nec observandas curare cen-  
 suras Ecclesiæ, ac negligentia & malo

exem-

exemp'o suo populum ad contemptum earum inducere. Quare Clerici rapiuntur in carceres, vapulant, mutilantur, perimuntur; Præsules privantur bonis ac juribus suis; diripiuntur & profanantur templa; immunitas ac libertas ecclesiastica spernitur; tollitur disciplina; & sceleri datur impunitas. Igitur vehementes ob preces cunctorum Antistitum hoc in concilio præsentium imperamus, ut universi Præsules & Clerici, etiam exempti censuras omnes per canones vel Judicem pronunciatas sanctissime observent ac observari curent, sub pœna anathematis in personas, & interdicti in congregationes. Miror concilium sperasse censuras secundas magis quam primas observatum iri, ac remedium contra contemptum ipsarum censurarum fore. Oportebat a fundamentis attollere Ecclesiæ authoritatem, existimationi ac reverentiæ erga ministros ejus, & vivæ pœnarum præmiorumque æternorum fidei inædificatam.

## §. XXXIX.

*Regis Ladislai inconstantia.*

Interea, dum hoc concilium agebatur, Rex Ladislaus juvenili quodam impetu malisque consiliis abreptus, hunc conventum injuriam sibi facere credidit, &

Sæcul. XIII.  
A. C. 1279.

Rayn. 1280.  
n. 8.